

Í samræmi við lög um búfjárhald nr. 38/2013 skulu umráðamenn búfjár árlega **skila haustskýrslu fyrir 20. nóvember** um búfjáreign, fóður og eftir atvikum landstærðir. Haustskýrslu skal skrá og skila rafrænt á síðunni www.bustofn.is.

Aðgengi að www.bustofn.is er fengið með rafrænum lykli (Íslykill) og opnast aðgangur þegar kennitala og lyklnúmer hafa verið skráð. Íslykill er gefinn út af Þjóðskrá og er lykilorð hans tengt kennitölu einstaklings eða lögaðila.

Nánari upplýsingar um Íslykil má nálgast á síðunni www.island.is. Hafi ekki verið sótt um Íslykil er hægt að gera það eftir að aðgangur að skýrslu hefur verið ræstur með hnappnum sem sýndur er á forsíðu Bústofns. Íslykil er hægt að fá sendan í heimabanka og tekur það um 5 -10 mínútur. Eins er hægt að fá hann sendan í bréfpósti og tekur það 4-6 virka daga.

Óski búfjáreigandi eftir aðstoð dýraeftirlitsmanns MAST er hægt að hafa samband í síma 530-4800 eða á mast@mast.is.

Þeim sem eiga eða halda búfé en hafa ekki verið skráðir búfjáreigendur í Bústofni er bent á að hafa samband við dýraeftirlitsmenn sem annast nýskráningar og leiðréttingar. Upplýsingar um dýraeftirlitsmenn má nálgast á heimasíðu Matvælastofnunar.

Þeir sem þurfa aðstoðar við vegna rafrænna skila stendur til boða þjónusta Ráðgjafamiðstöðvar landbúnaðarins (RML) við skil á haustskýrslu. Hafa má samband við RML í síma 516-5000 eða með tölvupósti á netfangið rml@rml.is.

Sérstök athygli er vakin á að eftir að upplýsingar hafa verið skráðar **þarf að ljúka skýrslu með sérstökum skilahnapp**.

Eftirfarandi eru leiðbeiningar um útfyllingu þeirra þátta sem skrá skal á Haustskýrslu.

Skrá fjölda búfjár

Skrá skal fjölda búfjár af hverri búfjártegund, eftir aldri og kyni, eins og hann er í nóvember.
Áriðandi er að eftir skráningu á hverri búfjártegund fyrir sig sé ýtt á „Skrá“

Skrá fóður

- Tegund
Velja skal tegund fóðurs eftir vallista sem upp kemur ef ýtt er á örina
- Uppruni
Velja skal uppruna (uppskera – fyrning – keypt). Svartur punktur kemur við val
- Fjöldi
Skrá skal fjölda af rúllum eða ferböggum (ef um þurrhey eða laust fóður er að ræða er sett 1 fyrir hverja hlöðu/geymslu í þennan reit).
- Stærð;rúmmetrar
Skráð er stærð á rúllum eða ferböggum af vallista sem kemur upp en fjöldi rúmmetra af lausu fóðri
- Kg þe./rúmmeter
Er valið úr vallista sem kemur upp
- Fóðurgildi
Er valið úr vallista sem kemur upp
Áriðandi er að eftir skráningu á hverri fóðurtegund fyrir sig sé ýtt á „Skrá“.

Skrá Landstærðir

Á haustskýrslu skal skrá landstærðir (ha) og sundurliða á eftirfarandi hátt:

- Korn, slegið í grænfóður
- Grænfóður, beitt og uppskorið
- Slegin tún (heildarstærð og endur-eða nýræktuð á síðustu 5 árum)
- Stærð beitalanda utan túna og afrétta (sundurliðað í eigin land og í eigu annarra)
Áriðandi er að eftir skráningu á hverri landstærð fyrir sig sé ýtt á „Skrá“.